



**Republika Kosova - Republika
Kosovo Republic of Kosovo
Qeveria - Vlada - Government**

REPUBLIKA E KOSOVES - REPUBLIKA KOSOVA - REPUBLIC OF KOSOVO KOMUNA E PODUJEVES / OPSTINA PODUJEVO / MUNICIPALITY OF PODUJEVO DREKTORIA E ADMINISTRATES - UPRAVA ADMINISTRACIJE		
Derguar me Dostavijeno 08.06.2026		
Nr./Br. Org. Jed.	Nr. Br.	Shtojce - Prilog
02-016/01-00 33484/26 PODUJEVE - PODUJEVO		



**Komuna e Podujevës
Opština Podujevo
Municipality of Podujevo**

REPUBLIKA E KOSOVES - REPUBLIKA KOSOVA - REPUBLIC OF KOSOVO QEVERIA E KOSOVES - VLADA KOSOVA - GOVERNMENT OF KOSOVO MINISTRIA E BUJQESISE, PYLLTARISE DHE ZHVILLIMIT RURAL MINISTARTSVO POLJOPRIVREDE, SUMARSTVA I RURALNOG RAZVOJA MINISTRY OF AGRICULTURE, FORESTRY AND RURAL DEVELOPMENT		
Arhivi Qendror - Centralna Arhiva - Central Archive		
Nr./Br./No.	1710	
Nr. i fq./Br. Str./No. pg.	4	
Data/Datum/Date	09.06.2026	
PRISHTINE - PRISTINA - PRISTINA		

**Ministria e Bujqësisë, Pylltarisë dhe Zhvillimit Rural
Ministry of Agriculture, Forestry and Rural Development
Ministartstvo Poljoprivrede, Šumarstva i Ruralnog Razvoja**

Prishtinë, 03.06.2026

Duke u bazuar në nenet 3, 6, 8, 9, 10 dhe 11 të Ligjit Nr. 06/L-113 për Organizimin dhe Funksonimin e Administratës Shtetërore dhe të Agjencive të Pavarura (Gazeta Zyrtare e Republikës së Kosovës, Nr. 7, 01 mars 2019, Prishtinë), duke u bazuar në nenin 18 paragrafi 1 të Rregullores (QRK) Nr.04/2026 për Fushat e Përgjegjësisë Administrative të Ministrive (20.02.2026), nenet 5 dhe 58 të Ligjit Nr. 03/L-040 për Vetëqeverisjen Lokale (Gazeta Zyrtare e Republikës së Kosovës, Nr. 28, 04 qershor 2008, Prishtinë), si dhe Ligjin Nr. 10/L-001 mbi ndarjet buxhetore për Buxhetin e Republikës së Kosovës për vitin 2026 (Gazeta Zyrtare e Republikës së Kosovës, Nr.4 / 2 mars 2026, Prishtinë), lidhet kjo:

**MARRËVESHJE MIRËKUPTIMI
PËR FINANCIMIN E SISTEMIT TE UJITJES SË TOKAVE BUJQËSORE NË
KOMUNËN E PODUJEVES**

E lidhur ndërmjet:

1. Ministria e Bujqësisë, Pylltarisë dhe Zhvillimit Rural (në tekstin e mëtejme Ministria), e përfaqësuar nga Ministri;

dhe

2. Komuna e Podujevës (në tekstin e mëtejme Komuna), e përfaqësuar nga Kryetari i Komunës.

**Neni 1
Qëllimi**

Qëllimi i kësaj Marrëveshjeje është financimi i projektit për ujitje "Sistemi i ujitjes te tokave bujqësore", i cili përfshinë 80 km² rrjetëzim te sistemit te ujitjes i cili do te mbuloj 70 km² te tokës bujqësore me ujitje, i cili është ndare ne 10 zona, si dhe përcaktimi i obligimeve të Ministrisë dhe Komunës për realizimin e projektit në fjalë.

Neni 2

Afati

Të gjitha aktivitetet nga neni 1 i kësaj duhet të kryhen brenda vitit fiskal 2026 dhe 2027.

Neni 3

Vlera e financimit

1. Vlera e parashikuar e investimit është 9,016,679.23€ (nëntë milion e gjashtëmbëdhjetë mijë e gjashtëqind e shtatëdhjetë e nëntë euro e njëzet e tre cent).
2. Ministria do të financojë projektin e lartcekur brenda mundësive buxhetore të parapara për vitin fiskal 2026 dhe 2027, në vitin 2026 do ta mbështes me vlerë 135,000.00 Euro, ndërsa në vitin 2027 do ta mbështes me vlerë 1,000,000.00 Euro.
3. Ministria financon projektet për ujitjen e tokave bujqësore në Komuna e Podujevës, në 10 zona brenda mundësive buxhetore të parapara në Kornizën Afatmesme të Shpenzimeve (KASh) 2026 / 2028.

Neni 4

Përgjegjësitë e Ministrisë

1. Ministria ndan mjetet financiare në shumën e përgjithshme prej: 1,135,000.00 €, për financimin e projektit në paragrafin 1 dhe sipas paragrafit 2 të nenit 3 të kësaj marrëveshje.
2. Mjetet financiare të ndara nga paragrafi 1 i këtij neni ndahen nga Kodi i Programit 40100 Departamenti i Politikave Bujqësore, i ndarë në dy (2) periudha. Për vitin fiskal 2026 dhe 2027, në vitin 2026 do ta mbështes me vlerë 135,000.00 Euro, ndërsa në vitin 2027 do ta mbështes me vlerë 1,000,000.00 Euro.
3. Pagesat për periudhën e kohëzgjatjes së kësaj marrëveshje, sipas participimit të Ministrisë, do t'i bëhen operatorit ekonomik sipas kontratës, i cili do të përzgjidhet sipas procedurave të prokurimit nga ana e Komunës.
4. Pagesat bëhen vetëm për aktivitetet e përfunduara në bazë të situacioneve të sjellura nga operatori ekonomik, të vërtetuara nga organi mbikëqyrës/menaxheri dhe të verifikuara nga mbikëqyrësi i projektit i emëruar nga Ministria/Komuna.
5. Pagesat bëhen vetëm për aktivitetet e projektit në fjalë dhe jo për ndonjë aktivitet tjetër.
6. Ministria, në cilësinë e vëzhgueses do të marrë pjesë në vlerësimin e ofertave për zgjedhjen e kontraktuesit dhe në rast që vërehet ndonjë parregullsi, është e obliguar të raportojë tek institucioni përgjegjës.

Neni 5

Përgjegjësitë e Komunës

1. Komuna do të udhëheqë projektin, procedurat e prokurimit dhe do të nënshkruajë kontratën në pajtim me legjislacionin përkatës në fuqi të prokurimit publik dhe menaxhimit të financave publike.
2. Komuna para fillimit të punimeve duhet të dorëzojë në Ministri kopjen e Kontratës së lidhur ndërmjet: Komunës dhe operatorit ekonomik/punë kryesit.
3. Komuna në intervale të rregullta kohore dhe në raste tjera, kur kjo është e domosdoshme do t'i dërgoj Ministrisë edhe këto të dhëna:
 - 3.1. Kopjet e raporteve të menaxhimit dhe mbikëqyrjes së punimeve, dhe
 - 3.2. Dokumente tjera nëse kërkohen.
4. Komuna merr për obligim shmangien e pengesave eventuale juridike-pronësore.

Neni 6

Përgjegjësitë dhe zotimet e përbashkëta

1. Komuna ka autoritetin dhe përgjegjësinë të lidhë kontratën me operatorin ekonomik, i cili është vlerësuar si më i përgjegjshmi teknikisht dhe financiarisht dhe të emërojë/përzgjedhë menaxherin/mbikëqyrësin, i cili do të menaxhojë realizimin e projektit.
2. Ministria do të emërojë mbikëqyrësin e projektit për monitorim të punimeve për realizim të kontratës, me kompetenca të plota për ndërhyrje në rast që konstaton së punimet nuk janë në përputhshmëri me kontratën.
3. Mbikëqyrësi i emëruar/përzgjedhur nga Ministria do t'i raportojë Autoritetit nga i cili është emëruar.

Neni 7

Zgjidhja e mosmarrëveshjeve

Palët do të bëjnë përpjekje për t'i zgjidhur mosmarrëveshjet eventuale që mund të kenë ndërmjet veti, përmes mirëbesimit ose negociatave miqësore. Ndonjë konflikt apo kërkesë e cila vjen si interpretim i kësaj marrëveshje duke përfshirë esencën e tij, vlefshmërinë apo përfundimin e tij duhet të zgjidhet nga gjykata kompetente.

Neni 8

Amendamentet

Kjo marrëveshje mund të ndryshohet me shkrim me pëlqimin e dyanshëm të nënshkruesve të tij.

Neni 9

Përfundimi

Palët mund të shkëpusin marrëveshjen, me akt të njëanshëm duke dhënë 30 (tridhjetë) ditë afat me njoftim paraprak - arsyetim, në formë të shkruar palës tjetër.

Neni 10

Kopjet e Marrëveshjes

Kjo marrëveshje mirëkuptimi është hartuar në gjuhën shqipe, në katër (4) kopje origjinale, ku secila palë nënshkruese merr nga dy (2) kopje.

Neni 11

Hyrja në fuqi

Kjo marrëveshje hyn në fuqi ditën e nënshkrimit.

Armend Muja
Minister në detyrë i MBPZHR-së



Shpejtim Bulliqi
Kryetar i Komunës së Podujevës

